

ԼԵՆԻՆՅԱՆ ԳԱՂԱՓԱՐՆԵՐԻ ԱՆԽՈՆՋ ՄԱՐՏԻԿԸ

Գ. Ա. ՀՈՎՀԱՆՆԻՍՅԱՆ

Անդրկովկասում մարքսիստական-լենինյան զաղափարների տարածման, սոցիալ-դեմոկրատական կազմակերպությունների հիմնադրման ու ամրապնդման պատմությունն անքակտելիորեն կապված է հեղափոխական աշխատանքի համար կենտրոնական Ռուսաստանից այստեղ աքսորված ռուս մարքսիստների ու բանվոր հեղափոխականների անմոռաց անունների հետ: Պատմությունը քաջ հայտնի են Վ. Կուռնատովսկու, Ի. Կոզանի, Մ. Կալինինի, Լ. Կրասինի, Վ. Շելդոնովի, Ի. Լուզինի, Գ. Ֆրանչեսկու, Ս. Ալիլուևի, Ի. Վացեկի, Ն. Կոզերենկովի, Ֆ. Աֆանասևի, Ն. Պոլիտակի և շատ ու շատ ուրիշների անունները, որոնց օրինակով Ռուսաստանի այս ծայրագավառում ցարական կարգերի դեմ մահու և կենաց կռիվ են մղել նաև մյուս ժողովուրդների ոչ քիչ զավակներ, որոնք մինչ այսօր անհայտ են մնացել սերունդներին: Դրանցից է Պետերբուրգի համալսարանի շրջանավարտ, Շուշիի սոցիալ-դեմոկրատական խմբակների կազմակերպիչներից ու ղեկավարներից մեկը՝ Լ. Լ. Ստաբրովսկին:



Լյուդվիգ Լյուդվիգովիչ Ստաբրովսկին ծնվել է Բելոռուսիայի Մինսկ քաղաքում, 1881 թ. օգոստոսի 29-ին, ազնվականի ընտանիքում: 1899 թ. ավարտելով տեղի արական գիմնազիան, նա ընդունվում է Պետերբուրգի համալսարանի ֆիզիկա-մաթեմատիկական ֆակուլտետի մաթեմատիկայի բաժանմունքը և ավարտում 1903 թ. մարտին¹:

Լ. Ստաբրովսկու հեղափոխական-մարքսիստական հայացքների ձևավորումը տեղի է ունենում 900-ական թվականների սկզբներին՝ Պետերբուր-

¹ См. Справка Ленинградского обл. исторического архива от 7 апреля 1969 г., № 122.

գում սովորելու տարիներին: Դա այն ժամանակն էր, երբ միջազգային հեղափոխական շարժման կենտրոնը Արևմտյան Եվրոպայից փոխադրվում էր ժողովրդական հեղափոխության բոլոր նախադրյալներն ունեցող Ռուսաստան, երբ անլեգալ մամուլում և գրականության մեջ լայնորեն լուսաբանվում էին ռուսաստանյան և միջազգային բանվորական շարժման մարքսիստական տեսությունը և պրակտիկայի հարցերը: Եվ ահա, այդպիսի մի ուշագրավ ժամանակաշրջանում, մայրաքաղաքի ուսանողության առաջավոր մասի շարքերում երիտասարդ Ստաբրովսկին ամենագործունյա մասնակցություն է ունենում հեղափոխական շարժումներին, որի համար էլ նրան, ուսումն ավարտելուց հետո, արգելում են ապրել և աշխատել երկրի բանվորաշատ վայրերում, ու նա ստիպված է լինում աշխատանք որոնել Ռուսաստանի ծայրամասերից մեկում՝ Անդերկովկասում:

1903—1904 թթ. ի. Ստաբրովսկին պաշտոնավարել է Շուշիի ռեալական ուսումնարանում, որպես մաթեմատիկայի ուսուցիչ և եռանդուն գործունեություն ծավալել սովորող երիտասարդության մեջ սոցիալ-դեմոկրատական խմբակների կազմակերպման ու ղեկավարման գործում²:

Շուշիի ռեալական ուսումնարանի բարձր դասարաններում սովորող երիտասարդության մարքսիստական հայացքների ձևավորման վրա բարեբար ներգործություն է ունեցել Լյուդվիգ Ստաբրովսկին: Լինելով մարքսիստորեն պատրաստված հեղափոխական գործիչ, նա խմբակի անդամների համար որոշակի ծրագրով տեսական տարբեր հարցերի շուրջը պարապմունքներ էր անցկացնում, երաշխավորում էր համապատասխան գրքերի ցուցակը, օգնում դրանք ձեռք բերելու: Ստաբրովսկու օգնությամբ սովորող երիտասարդներից շատերը միավորվեցին քաղաքի սոցիալ-դեմոկրատական խմբակներում:

Լ. ի. Ստաբրովսկու խմբակի աչքի ընկնող անդամ ներկայումս Հայկական ՍՍՀ ԳԱ ակադեմիկոս Ա. Գ. Հովհաննիսյանն այդ շրջանի մասին հետագայում հիշում էր. «Լենինի գործերից մեզ մատչելի դարձան ավելի ուշ՝ մեր ուսանողության տարիներին: Հիշում եմ, սակայն, որ նրա երկերից մեկը տեսա դեռ դպրոցի նախավերջին դասարանում: Ես ու Կասպարովը նստում էինք վերջին նստարանին: Ռուսաց լեզվի դասի ժամանակ Սլավան ծնկի վրա թերթում էր սովոր մի հատոր: Դասատուն՝ Լյոնտևը այդ նշմարեց և նկատողություն արեց նրան: Դա Լենինի «Развитие капитализма в России» նշանավոր գիրքն էր, որ լույս էր տեսել «Վ. Իլյին» կեղծ անունով: Սլավան ինձ ասաց, որ այդ անվան տակ թաքնված է բոլշևիկների գլխավոր տեսաբան Լենինը»³:

Ջգալի է Լ. Ստաբրովսկու վաստակը Շուշիում սովորող երիտասարդության մեջ մարքսիզմի տարածման գործում: 1903 թ. ապրիլից մինչև 1904 թ. ամառը նա Շուշիում հանդիս էր գալիս որպես ձևավորված մարքսիստ: Առավել մեծ էր նրա համբավը ռեալական ուսումնարանում սովորող երիտասարդության շրջանում: Սակայն շուտով սկսվում են հետապնդումները և հալածանք-

² См. «История коммунистической партии Азербайджана», ч. I, Баку, 1958, էջ 69.

³ Ա. Գ. Հովհաննիսյան, Հուշեր անցյալից, ՀՍՍՀ ԳԱ Լրագրի հասարակական գիտությունների, № 3, 1966, էջ 69.

ներն ու Շուշիում նրա մնալը բուրժուական անհնարին է դառնում: 1904 թ. հուլիսին ի. Ստաբրովսկին տեղափոխվում է Աշխաբադ և այնտեղ մանկավարժական աշխատանքին զուգընթաց շարունակում հեղափոխական եռանդուն գործունեությունը: 1904 թ. ամռան վերջերին Ստաբրովսկու նախաձեռնությամբ Աշխաբադի հեղափոխական ոչ մեծ խմբակները միավորվում են մեկ սոցիալ-դեմոկրատական խմբի մեջ: Նույն թվականի դեկտեմբերի 27-ին նա կարճ ժամանակով այցելում է Բաքու, իսկ 1905 թ. հունվարի 2-ին՝ Թիֆլիս և վերադառնալով, ձեռնամուխ լինում ՈՍԴԲԿ II համագումարի կողմից ընդունված կուսակցության ծրագիրը հեկտոգրաֆով բազմացնելու և տարածելու գործին: Նա Բաքվից Աշխաբադ աքսորված հայտնի բուլշևիկ Արշակ Խաչիկի օգնությամբ մոտիկ կապեր է հաստատում Միշին Ասիայի մի շարք քաղաքների՝ Տաշքենդի, Կոկանդի, Վերնիի (Ալմա-Աթա) հեղափոխական գործիչների հետ:

1905 թ. հունվարի 9-ի լույս 10-ի գիշերը ի. Ստաբրովսկին և նրա կինը՝ Քսենիա Պետրովնա Ստաբրովսկայան ձերբակալվում ու նետվում են Աշխաբադի կենտրոնական բանտը: Արխիվային նյութերում ասված է, որ ի. Ստաբրովսկին մեղադրվել է ցարական կարգերի դեմ հեղափոխական պրոկլամացիաներ ու կոչեր հրատարակելու և տարածելու, քաղաքական ցույցեր կազմակերպելու համար: Ինչպես ցույց է տրված դատավճռում, որը կայացել է 1905 թ. մայիսի 24-ին, ի. Ստաբրովսկին միայն 1904 թ. սեպտեմբերին հեկտոգրաֆով հրատարակել և տարածել է «Ко всем жителям Асхабада», «Аграрное движение в России» և «Политика Плеве и Святополк-Мирского» խորագրով պրոկլամացիաները, որոնց մեջ շոշափվել են աշխատավորներին հուզող բազմաթիվ հարցեր և կոչ է արվել ելնելու ինքնակալության տեղական իշխանությունների դեմ⁴:

Աշխաբադի կենտրոնական բանտում ի. Ստաբրովսկին մնում է մոտ յոթ ամիս: Բանտի խոնավ, սառը խուցում 1905 թ. հուլիսի 4-ին կտրվում է երիտասարդ աննկուն բուլշևիկ ի. ի. Ստաբրովսկու կյանքի թելը: Նրա թաղումը վեժածվեց Աշխաբադի աշխատավորների հզոր ցույցի: Այն պսակի վրա, որ նրանք զգուշորեն և հպարտությամբ տանում էին դագաղի առջևից, գրված էր. «ի. ի. Ստաբրովսկուն, նրան, ով լուսավորեց մեզ ճշմարտության լույսով, Աշխաբադի բանվորներից և գիմնազիստներից»⁵: «Քաղաքից գերեզմանոց տանող ամբողջ ճանապարհին, — նշել է գավառապետն իր զեկույցում, — թափորի մասնակիցները երգում էին հեղափոխական երգեր, առանձնապես «Վարչական» և հակակառավարական բովանդակություն ունեցող ճառեր արտասանում»⁶:

Լյուդվիգ Ստաբրովսկու գիտակցական կյանքը բուլշևիկների կուսակցությանն ու ժողովրդին հավատարմորեն ծառայելու իսկական օրինակ էր:

⁴ ՏՃՍ ՍՊԱ ՍՅԵԿՍԿՈՅ ՍՍՐ, ֆ. Ի-133, օպ. 3, ժ. 50, լլ. 100—105.

⁵ ՏՃՍ ՍՊԱ ՍՅԵԿՍԿՈՅ ՍՍՐ, ֆ. Ի-133, օպ. 3, ժ. 50, լ. 100; ՏՃՍ ՆԱԿ «Проникновение революционных идей и развитие революционного движения в Туркменистане в 1881—1907 гг.», Ашхабад, 1962, стр. 87; «Очерки истории коммунистической партии Туркменистана», Ашхабад, 1965, стр. 23, 29.

⁶ ՍՊԱ ՍՅԵԿՍԿՈՅ ՍՍՐ, ֆ. Ի-133, օպ. 3, ժ. 50, լ. 108

НЕУТОМИМЫЙ БОРЕЦ ЗА ЛЕНИНСКИЕ ИДЕИ

Г. А. ИОАНЕСЯН

Р е з ю м е

Один из первых организаторов революционных социал-демократических кружков и групп в Карабахе, Людвиг Людвигович Стабровский, всю свою жизнь посвятил великому делу служения партии и народу. В марте 1903 года, окончив Петербургский университет, будучи уже зрелым марксистом, он вынужден был искать работу в Закавказье, так как ему не разрешили жить и работать в городах центральной России.

В 1903—1904 гг. Л. Л. Стабровский работал учителем математики в Шушинском реальном училище. В это время значительно оживилась революционная работа в Шуше. Организовались социал-демократические кружки. Одним из руководителей кружка в Шушинском реальном училище становится Л. Л. Стабровский.

Летом 1904 г. Л. Стабровский переехал в Асхабад, где вскоре был арестован и заключен в асхабадскую центральную тюрьму. Здесь здоровье его резко ухудшается и 4 июля 1905 г. Л. Л. Стабровский скончался в тюрьме в возрасте всего 24 лет. Похороны революционера Стабровского, как об этом отмечалось в рапорте начальника асхабадской полиции, превратились в грандиозную политическую демонстрацию трудящихся гор. Асхабада.